

Genus ob habitum *Terebintaceis* aliquit accedens, sed *Ebenaceis* et *Ternstroemiaceis* affinius.

*LEUCOXYLUM*, Bl.

*Flores* obortu polygami. *Calix* inferus, quadripartitus; laciniis obtusis, imbricatis. *Corolla* subcampanulata, quadripartita. Masc.: *Stamina* plura (circiter 12-14), partim hypogyna, partim basi corollae subadnata, inclusa. *Antherae* 2-loculares. Rudimentum ovarii. Fem.: *Ovarium* quadriloculare; loculis polyspermis. *Stylus* bipartitus. *Stigmata* emarginata. *Drupa* corticata, unilocularis, 1-2-pyrena. *Pyrenae* 1-spermae, subosseae. *Embryo* in albumine cartilagineo inversus.

Arbor procera. Rami patentes, ramulis foliisque distichis. Folia parva, alterna, approximata, elliptico-lanceolata, coriacea, avenia, supra lucida, infra et ramulis sericeo-pubescentia. Flores axillares, masculi conferti, feminei solitarii.

*LEUCOXYLUM BUXIFOLIUM*. Bl.

*Crescit*: in sylvis montanis.

*Floret*: Februario.

*Nomen*: Kimerak.



*Complete ascending*

*tree*